

Bi' gvaq 12 nyied 23 hauh, ngoenzde doiq gou daeuj gangj dwg ngoenz gig miz eiqsei ndeu, Aenvih ngoenzde gou miznaj hwnjdangz goq ndeu hawj gak boux gyauyenhyenz caeuq lauxsae daj daengx gih gak dieg daeuj dingq.

Yaek hwnjdangz seizde, gangj lauxsaed, swgheij ndawsim ngamq loq miz di daej ndwi: It dwg ngoenzneix dwg singhgiz it, gaenq gek song ngoenz mbouj raen naj gyoengq lwnyez ndaw ban lo, lauhei qyoengq lwnyez lumz gij saeh hwnjdangz lo; ngeih dwg ndawsim mumjumj gyumqgyumq lij yienh' ok aen naj saepsatsat Vangz Yungjhoz fucujyin (De itcig doiq gou hwnjdangz goq neix aeu hwnj cihsiz moq mbouj gaeuq cuengqsim); sam dwg gou dwg baez daih' it youq aen gveihmoz nyaenx hung neix hwnj-dangz.

Seizgan "dida dida....." mbouj gaenj mbouj gip youq ndawsim gou byaij dwk. Yawjyawj soujgih, liz hwnjdangz seizgan lij miz ngeih cib faen cung.

"Dida dida" Cib haj faen, cib faen

"Cinz lauxsae ndei!" Dingqnyi gij sing dongx oi qep ndeidingq haenx, gou yawjraen le gyoengq lwnyez dwggyaez ban dou cingq gaenlaeng Luz lauxsae coh gou byaij gvaqdaej. Yawj dwk gyoengq lwnyez fajnaj dwggyaez haenx, gou simhai najriu dwk angq lo, haxbaenh gij yousim haenx cung lumz liux lo.

Youq ndaw gij sing gyoengq lwnyez ciengq gvaq 《Go Singmeh》le goqdangz cingsik haidaeuz. Yinx goq seiz, gou aeu gogen baez aen baez aen yienh' ok gij danyinhmeh hawj gyoengq lwnyez gag un. Neix ndaej gig ndei bae yinx gij naemjngeix gyoengq lwnyez, gyoengqde boux-boux cung byaengq hung song da, dinghdingh yawj dwk bingzmu, raen aen danyinhmeh diuq okdaej couh sing hung dwk ciengj doeg.

Fuzsiz ndei roek aen dan-yinhmeh le, gou couh dawz ok gij gajbenq sij miz roek aen dan-yinhmeh haenx, yinx gyoengq lwnyez doengh fwngz, hawj dan-

Dangz Goq Yijyinh Ndeu

一节语音课

□Cioz Lisiob /覃丽新



yinhmeh ra "baengzyoux", gyoeb baenz doengh gij fuyinhmeh gaenq hag gvaq haenx, lumj "oi ui wi". Raen ndaej hwnj daiz daeuj doeg, gyoengq lwnyez cungj ceng dwk yaengx cik fwngz iq sangsang bae, cungj muengh lauxsae ndaej hawj de hwnj daiz bae ra "baengzyoux". Miz boux haengihei qfazyenz haenx lij caengz caj gou diemj daengz coh, de gaenq buet daengz gwnz daiz daeuj, ndaw bak hemq dwk naeuz: "Gou rox ra, gou rox ra." Ciep dwk couh gig vaiq ra ok gij "baengzyoux" baenz doiq gyoeb guhdoh lo. Caen dwg sim lwnyez saw gvaq raemxdah, gvai gvaq dang hak ha! Gou baez diemj, gyoengq lwnyez couh mingzbeq lo.

Ciepdaj gou swngheij hawj gyoengqde doeg aen fuyinhmeh "ui", caiq doenggvaq gogen dawz cih "ui" diuhvuenh gvaqdaej, cungdenj yinx ok aen fuyinhmeh moq "iu". Caiq yungh dingq luzyinh doeg, lauxsae doeg, hagseng gaen doeg daengj lai

cungj fuengfap daeuj songyau gij doeg' yaem. Ai q dwg aen fuyinhmeh neix ndei dingq roxnaeuz dwg ndei doeg ba, gyoengq lwnyez bouxboux cungj gig angq bae lienh fatyaem. Gou baez gangj sat coenz vah: "Baihlay gak siujcuj gag lienh doeg sug bae." Daengx ban roek aen siujcuj cungj gag yungh gak cungj fuengsik bae lienh doeg lo.

Yawj, cuj daih' it, gyoengq lwnyez song naj dox doiq, mwngz "iu" le gou "iu", cungj doeg ndaej angq raixcaix; cuj daihngheih comz youq itheij caez sing dwk dawz aen yinhmeh neix doeg okdaej; cuj daihsam gungh miz haj boux vunz, gyoengqde youz cujcangj daeuj lingxdoeg, hix doeg ndaej gig daiqrengz.....Raen gyoengq lwnyez doeg ndaej gig daiqrengz, gou ra ok song boux daeuj dang siuj "lauxsae" iq, son daengx ban dawz aen yinhmeh neix doeg sug bae, caiq gyahwnj gou miz ciengjbinj daeuj

hawj doenghboux doeg ndaej cinj youh sing hung haenx, gyoengq lwnyez cungj angq ndaej diuq hwnjdaej lo.

Gou swnh ndat daj diet, youh dawz daihngheih aen fuyinhmeh moq baij hwnj bingzmu, yinx gyoengq lwnyez bae doeg.

Hag gvaq gij yaem song aen fuyinhmeh neix le, vih hawj gyoengq lwnyez geiq maenh, gou cie q dwk bien ok geij coenz "go lwnyez", hawj gyoengqde riengz gou mienh doeg mienh bek fwngz: "Iu, iu, gijmaz iu, gou raen lauxsae naj couh riu; iu, iu, gijmaz iu, gyoengq raeuz gyaez dwk giuz....." Yienghneix baebae dauqdaug doeg geij baez le, gyoengq lwnyez couh geiq gij doegyaem "iu、ou" lo.

Rox doeg rox dingq le, gou caiq bae sonyinx lwnyez geq ok gij roek diuh "iu、ou", vih ngoenzcog gyoengqde bae gyoebdoeg guh ndei giekdaj. Aenvih baihnaj hag sug le roek diuh danyinhmeh caeuq bouhfaenh roek diuh fuyinhmeh, roek diuh "iu、ou" song aen fuyinhmeh moq neix lwnyez hag ndaej gig vaiq, ngamq gaen gou geq gvaqbae mbat ndeu, gyoengqde couh ndaej song boux dox bek fwngz bae doeg lo.

Goqdangz ceiq doeklaeng, gou yungh gogen yienh' ok gij doz gyoengq lwnyez bingzseiz gingciengz ngonzraen haenx, hawj gyoengqde nyinh okdaej, caemhcaiq gangj ok gij mingzcoh gij doz yawjraen haenx. Lumj dwg: "Riu、giuz、mou、nou、douq、diuq" Gou riengz dwk lwnyez gangj dawz ok gij gajben sij miz gij swz ndaw doz haenx, caiq baij daiyauj hwnjdaej dawz gij yinhmeh doxdoengz faen daengz song aen ranz "iu、ou" bae. Gyoengq lwnyez cungj gou hemq mwngz ciengj hwnjbae guh aen youzhi neix.

Mbouj rox mbouj nyinh, aen lingz roengz dangz yiengj lo, dangz goq gou hix youq ndaw gij sing "lauxsae caiqraen" roengz dangz lo. Ciepdaj, sing bekwngz gok sasa youq mdaw gyausiz rwenz haujlai nanz, aensim gou hix angq dwk lumj dujva gyaundeiz seizcin nei.

Hahsou dwk yiengj bauq daih' it lo. Ciuq 5 aen digih gyonggeiq, gij vunzguhnaz Cauzsau ndaem ndaej 519.7 moux nazyienghbanj haeux-caeux, bingzyaenz mouxcanj 911 gaen, ceiq sang lij ndaej 1294 gaen. Youq gij vunzguhnaz Cauzsau sonyinx lajde, gij "nazgaenban" gak dieg swngheicanjdui ndaem haenx, daih dingzlai caemh ndaej fungsou.

Ginggvaq guhyiengh ndaem haeuxcaeux, vunzguhnaz Cauzsau hawj vunzguhnaz Guengjsae ndaej yawj seiqmienh. Boux vunzgeiq ndaej 70 lai bi he naeuz: "Gou gaenq baenzneix geq lo, lij caengz ndaej raen gvaq okhaeux baenzneix lai." Doenghgij vunz yienzlaiz vaizngeiz haenx seizneix caemh saenqfug lo, gyoengqde naeuz: "Vunz de miz gij dinfwngz dajndaem ak dahraix, dou caiq mbouj bae hag cix doek gvaq seizndei lo!" Daengx gih gak dieg gij vunz iugouz gaenban haenx yied

ngoenz yied lai, gij yienh、se mbouj anbaiz vunzguhnaz Cauzsau bae haenx, cungj faenfaen daezok iugouz: "Cingj swcigih baij vunzguhnaz Cauzsau bae ndaem nazyienghbanj."

Veiz Gozcingh seizhaenx youq diegrog, ndaej rox aen cingzvang neix le naeuz: "Gou yawj ne, cingj gij vunzguhnaz Cauzsau daeuj Guengjsae, dwg Guengjsae gyavaiq doigvangq dinfwngz senhcin nungzyez、coicaenh

nungzyez swngheicanj fazcanj diuz roen lai vaiq ndei mbaet he." De genyi Swcigih Dangjveij ngeixyaeng, dwg mbouj dwg caiq cingj Guengjdoeng lai baij bang bouxak gvaqdaej dem.

Doeklaeng, Swcigih Dangjveij gietdingh, cingjgouz Guengjdoeng caiq baij 2000 boux vunzak dajndaem Cauzsau hawj Guengjsae, youz boux dinghcangj nungzyezdingh gidij bae lienzhaeh. Aenvih seizhaenx Fuzgen、

Gyanghsih daengj swngj caeuq mbangj dieg Swngj Guengjdoeng, caemh iucingj baij bouxak dajndaem Cauzsau bae son gingniemh, Cauzsau mbouj miz banhfap muenxcuk gij iugouz Guengjsae, cij baij le 1500 boux vunz gvaqdaej, ndawde baudaengz 100 boux vunz cangh ndaem makgam haenx. Makgam Cauzcouh seizhaenx youq daengx guek caemh haemq okmingz bw. (caengz sat)

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□Hoz Saubangj sij Cinz Siengzcouh Liuz Gingliuj Cinz Siengzgen hoiz

ningzyez swngheicanj fazcanj diuz roen lai vaiq ndei mbaet he." De genyi Swcigih Dangjveij ngeixyaeng, dwg mbouj dwg caiq cingj Guengjdoeng lai baij bang bouxak gvaqdaej dem.